

Broj: 155-05/22  
Datum: 06.05.2022.

Primljeno: 09-05-2022			
Org. jed.	Broj	Priloga	Vrijednost
01,01/C	- 04 -	938/22	

x3

**PARLAMENT FEDERACIJE BOSNE I HERCEGOVINE  
PREDSTAVNIČKI DOM**

**n/r zastupnici i zastupnice u Predstavničkom domu Parlamenta Federacije BiH**

**PREDMET: Informacija o aktivnostima na projektu „Jačanje odgovornosti u upravljanju javnim preduzećima u BiH“**

Poštovani/a,

Centri civilnih inicijativa (CCI) implementiraju projekat „Jačanje odgovornosti u upravljanju javnim preduzećima u BiH“ u saradnji sa Ambasdom Kraljevine Nizozemske u BiH. Kroz ovaj projekat osmišljen je niz aktivnosti kojima se nastoji povećati transparentnost, odgovornost i kontrola u upravljanju javnim preduzećima u BiH.

Istraživanje Centara civilnih inicijativa (CCI) je pokazalo da su javna preduzeća u BiH nedovoljno efikasna i u nekim slučajevima ne pružaju zavidan kvalitet usluga. U javnim preduzećima u BiH radi više od 80.000 zaposlenih, njihovi prihodi iznose više od 6,7 milijardi KM godišnje, a ukupne obaveze premašuju 9,3 milijardi KM. Javna preduzeća predstavljaju ogroman društveni potencijal, ali na njihovo poslovanje utiče i nedovoljno definisana legislativa u vezi javnih preduzeća. Dodatno, snažan uticaj politike rezultira time da javna preduzeća najčešće djeluju u interesu političke stranke, umjesto u interesu društva i građana i građanki.

Također, poslovanje javnih preduzeća karakteriše i nedostatak transparentnosti (samo 17% javnih preduzeća u BiH proaktivno objavljuje podatke o poslovanju, iako je to zakonska obaveza), nedostatak kontrole (samo 22% godišnjih izvještaja o radu javnih preduzeća na na entitetskim i kantonalnim nivoima dostavljeni nadležnima i pored zakonske obaveze), te odsustvo odgovornosti za rezultate njihovog rada.

CCI je kreirao bazu podataka javnih preduzeća i interaktivnu mapu sa svim javnim preduzećima u BiH, te pristupio monitoringu rada parlamenata i skupština sa fokusom na razmatranje izvještaja o poslovanju javnih preduzeća na nivou oba entiteta, Kantona Sarajevo i Tuzlanskog kantona. Više o aktivnostima možete saznati na web portalu [www.odgovorno.ba](http://www.odgovorno.ba)

Vjerujemo da nam je u zajedničkom interesu da javna preduzeća posluju efikasnije, u svrhu zbog koje su i osnovana, kao i da nude najbolje usluge građanima i građankama koji su njihovi krajnji korisnici. Zato Vas pozivamo da mnogo više pažnje uložite prilikom rasprava o izvještajima o poslovanju javnih preduzeća kao i na kontrolu rada javnih preduzeća. Također da učestalije pozivate resorna ministarstva, uprave i nadzorne odbore javnih preduzeća na veću odgovornost i transparentnost kako bi se poboljšala efikasnost i efektivnost u radu javnih preduzeća kao i sam kvalitet usluga za građane i građanke.

Poštovani/a bit ćemo slobodni da Vas, u narednom periodu, kontaktiramo po ovom pitanju a sve u cilju unaprjeđenja rada javnih preduzeća. Za sve dodatne informacije stojimo Vam na raspolaganju.

S poštovanjem,

PODNOŠILAC



Asmir Čilimković  
Projekt menadžer CCIa